

彰德府志

午

彰德府志卷之十六上

人物

列傳

忠烈

孝行

文學

義行

方技

附仙釋

遷固而下各史卷帙唯列傳爲繁此人物宜詳也
顧史兼淑慝用備勸懲志則專表鄉哲亦曰善善
從長爾相臺人物若忠獻忠武固稱彪炳千禩其
他德業鴻遠名行卓立更難指數矣叙其尤者縣
之圭臬而鄉閭荆布志節可風並踵而書之范史
謂不必專在一操其說固無取焉作人物志

列傳

彰德府志

卷之十六 人物上

周

春秋衛

蘧瑗字伯玉衛大夫世傳爲內黃人外寬內直行年
五十而知四十九年之非獻公十八年孫林父將
謀出公入見伯玉曰君之暴虐君所知也大懼社
稷之傾覆將若之何伯玉對曰君制其國臣敢奸
之雖奸之庸知愈乎遂行從近關出殤公十二年
獻公使告甯喜甯喜欲納之告伯玉伯玉曰瑗不
得聞君之出敢聞其入遂行又從近關出獻公後
三年吳季札適衛與伯玉語說之曰衛多君子未

有患也靈公立嘗與夫人夜坐聞車聲鱗鱗至闕而止過關復有聲夫人曰此必蘧伯玉也公曰何以知之夫人曰君子不爲昭昭信節不爲冥冥墮行吾聞蘧伯玉君子也以是知之公問之果伯玉也孔子之所嚴事于衛爲伯玉適衛嘗主其家宋咸平三年追封內黃侯從祀孔子廟庭今內黃有伯玉祠又祀鄉賢祠直隸長垣縣有伯玉墓

漢

馮勤字偉伯繁陽人曾祖父楊宣帝時爲弘農太守

彰德府志

卷之十六 人物上

二

有八子皆爲二千石趙魏間榮之號曰萬石君兄弟形皆偉壯唯勤祖父偃長不滿七尺常自耻短陋恐子孫之似也乃爲子伉娶長妻伉生勤長八尺三寸八歲善計初爲太守銚期功曹有高能稱期常從光武征伐政事一以委勤旣而薦於光武初未被用後乃除爲郎中給事尚書以圖議軍糧在事精勤遂見親識每引進帝輒顧謂左右曰佳乎吏也由是使典諸侯封事勤差量功次輕重國土遠近地執豐薄不相踰越莫不厭服焉自是封

爵之制非勤不定帝益以爲能尚書衆事皆令
錄之尋拜尚書僕射職事十五年以勤勞賜爵關
內侯遷尚書令拜大司農三歲遷司徒先是三公
多見罪退帝賢勤欲令以善自終乃因譙見從容
戒之勤愈恭約盡忠號稱任職勤母年八十每會
見詔勅勿拜令御者扶上殿謂諸王曰使勤貴寵
者此母也其見親重如此中元元年勤卒帝悼惜
之使者弔祠賜東園秘器勤七子長子宗嗣至張
掖屬國都尉中子順尚平陽長公主終大鴻臚

霍譔字叔智鄴人少爲諸生明經有人誣譔舅宋光
於大將軍梁商以爲妄刊章文坐繫洛陽詔獄掠
考困極譔時年十五奏記于商商高其才志卽爲
奏原光罪由是顯名仕郡舉孝廉稍遷金城太守
性明達篤厚能以恩信化誘殊俗甚爲羌胡所敬
服遷北海相入爲尚書僕射是時梁冀貴戚秉權
自公卿以下莫敢違牾譔與尚書令尹勲數奏其
事又因陛見陳聞罪失及冀誅後桓帝嘉其忠
封鄴都亭侯轉少府廷尉卒祀臨漳鄉賢祠

爲安定太守

樂巴字叔元內黃人順帝世以宦者給事掖庭補黃門令非其好也性質直學覽經典雖在中官不與諸常侍交接後陽氣通暢白上乞退擢拜郎中四遷桂陽太守以郡處南垂不開典訓爲吏人定婚姻喪紀之禮興立學校以獎進之雖幹吏卑末皆課令習讀程試殿最隨能升授政事明察視事七年以病乞骸骨荊州刺史李固薦巴治迹徵拜議郎守光祿大夫與杜喬周舉等八人徇行州郡巴

使徐州還再遷豫章太守郡土多山川鬼怪小人嘗破貲祈禱巴素有道術能役鬼神乃悉毀房祀翦理姦誣於是妖異自消百姓始頗爲懼終皆安之歷沛相所在有績徵拜尚書會帝崩營起憲陵陵左右或有小人墳塚主者欲有所侵毀巴連上書苦諫時梁太后臨朝詔詰巴巴坐下獄抵罪禁錮還家二十餘年靈帝卽位大將軍竇武太傅陳蕃輔政徵拜議郎蕃武被誅巴以其黨復謫永昌太守以功自劾病不行上書極諫理陳竇之寃帝

怒下詔切責收付廷尉也自殺今祀鄉賢祠子賀官至雲中太守

北魏

孔伯恭鄴人父昭位侍中幽州刺史伯恭以父任爲給事中後賜爵濟陽男進城陽公獻文初宋徐州刺史薛安都以彭城內附宋遣將張永沈攸之等擊安都安都請援獻文進伯恭號鎮東將軍副尙書尉元往救之永攸之棄船走時吳禧公陳顯達等率衆來援伯恭累戰大破之俘獲萬計皇興二

彰德府志

卷之十六

人物上

五

年改爲散騎常侍彭城鎮將都督徐南北兖州諸軍事卒謚曰桓祖臨漳鄉賢祠

申徽字世儀魏郡人父明仁爲郡功曹早卒徽少與母居盡力孝養長好經史性審慎不妄交遊周文臨夏州以徽爲記室參軍察徽沉密有度量每事信委之時軍國草創幕府務殷四方書檄皆徽之辭也以迎孝武功封博平縣子尋進爵爲侯廢帝二年進爵爲公正右僕射徽性勤至凡所居官案牘無大小皆親自省覽以是事無稽滯吏不得

奸後雖歷公卿此志不懈襄州刺史時南方
初附舊俗官人皆通餽遺敬慎乃畫楊震像
于寢室以自戒及代還明吏送者數十里不絕徽
自以無德于人慨然懷愧因賦詩題于清水亭長
幼聞之皆競來就讀相謂曰此是申使君手迹並
寫誦之入爲小司徒小宗伯卒謚曰章

唐

張公謹字弘慎內黃人爲王世充洧州長史與刺史
崔樞挈城歸高祖授檢校鄒州別駕累遷右武侯

彰德府志

卷之十六

人物上

六

長史未知名李勣尉遲敬德數啓奏王乃引入府
王將討隱巢亂使卜人占之公謹自外至投龜于
地曰凡卜以定猶豫決嫌疑今事無疑何卜之爲
卜而不吉其可已乎王曰善隱太子死其徒攻元
武門銳甚公謹獨閉關拒之以功授左武侯將軍
封定遠郡公貞觀初爲代州都督置屯田以省
運數言時政得失太宗多所采納後副李靖經略
突厥條可取狀于帝帝然其謀及破定襄敗頡利
單詔慰勞追封鄒國公改襄州都督以惠政聞

于官帝出次哭之詔贈左驍衛大將軍謚曰忠貞
追改鄭國公未幾中加贈荊州都督今祀內黃鄉
賢祠子大素龍朔中歷東臺舍人兼脩國史著書
百餘篇終懷州長史次子大安上元中同中書門
下三品章懷太子令與劉訥言等共註范曄漢書
太子廢貶普州刺史終橫州司馬子悱元宗時爲
集賢院判官詔以其家所著魏書說林入院綴脩
所闕累擢知圖書括訪異書使進國子司業以累

免官

按唐書公謹本傳爲魏州繁水人繁水卽今大名府南樂縣而內黃與南樂接畛公謹或

彰德府志

卷之十六

人物上

七

爲黃人也今祀黃邑鄉賢祠縣舊志所載當必補據子大素等史傳所有今仍附載于末

李君羨武安人初事李密爲王世充驍騎惡世充爲
人率屬歸高祖授上輕車都尉秦王引置左右從
破宋金剛于介休加驃騎將軍又從破竇建德劉
黑闥所向必先登摧其鋒累授左衛府中郎將貞
觀中突厥至渭橋君羨與尉遲敬德擊破之太宗
曰使皆如君羨者虜何足憂改左武侯中郎將
武連縣公歷蘭州都督左監門衛將軍合
有女武王者君羨小字五娘子又官

帝忌之出爲華州刺史卒以事譴天授中家屬詣
闕訴寃詔復其官爵以禮改葬

傳奕鄴人隋開皇中以儀曹事漢王諒諒欲反問奕
今茲熒惑入東井果若何奕對曰東井黃道所由
熒惑之舍烏足爲怪若入地上井乃爲災諒怒俄
反及敗奕以對免徙扶風高祖爲扶風太守禮之
及卽位拜太史丞尋遷爲令時國制草具官名律
令多仍隋舊奕謂承亂世之後當有變更乃上言
隋季違天害民專峻刑法殺戮賢俊天下兆庶同

心叛之陛下撥亂反正安得不新其耳目哉改正
朔易服色變律令革官名功成作樂治定制禮使
民知盛德之隆此其時也又言夏有亂政而作禹
刑商有亂政而作湯刑周有亂政而作九刑衛鞅
爲秦制法增鑿額抽脅鑊烹等六篇始皇爲拔書
律此失手煩不可不監武德七年上疏極詆浮屠
法又上十二論言益痛切帝善奕說未及行會傳
位而止太宗嘗問卿拒佛法奈何奕曰佛西域
人至人中國而纖兒幻夫摸象莊老以文飾之

害國家無補百姓也帝異之貞觀十三年卒年八十五奕病未嘗問醫忽酣臥蹶然悟曰吾死矣乎卽自誌曰傅奕青山白雲人也以醉死嗚呼遺言戒子六經名教言若可習也妖胡之法慎勿爲奕雖善數然嘗自言其學不可以傳嘗集魏晉以來與佛議駁者爲高識篇今祀臨漳鄉賢祠

杜正倫相州人隋世重舉秀才天下不十人而正倫一門三秀才皆高第爲世歆羨調騎尉太宗素知名表直秦王府文學館貞觀元年魏徵薦其才擢

兵部員外郎遷給事中知起居注帝嘗曰朕坐朝不敢多言必待有利于民乃出諸口正倫曰臣職左史陛下一言失非止損百姓且筆之書千載累德帝悅賜綵緞二百太子監國詔正倫行左庶子兼崇賢館學士擢中書侍郎封南陽縣侯仍兼太子左庶子出入兩宮典機密以辦治稱後太子稍失道帝詰正倫太子數私小人卿可審喻之教而不從其語我來故正倫顯諫無所避太子不從輒道帝語督切太子卽表聞坐漏洩上語貶交州都

督旋流驪州久之授郢州二州刺史顯慶元年擢黃門侍郎兼崇賢館學士進同中書門下三品封襄陽縣公爲李義府所擠出爲橫州刺史卒于貶所正倫工屬文無子以兄子志靜爲嗣從子求仁有雅才永淳中授監察御史坐事爲黜令與徐敬業舉兵爲興復府右長史死于難

戴胄字元允安陽人性堅正幹局明彊隋末爲門下錄事王世充謀篡俄脅九錫胄屢切諫不納出爲鄭州長史使與王行本守武牢秦王攻拔之引爲

彰德府志

卷之十六 人物上

十

麻士曹參軍卽位大理少卿缺太宗曰大理人命所繫胄清直其人哉卽日命胄數犯顏據正參處法意至析秋毫隨類指擿言若泉湧帝益重之遷尚書左丞胄明敏長于操決無宿疑杜如晦遺言請以選舉委胄由是檢校吏部尚書貞觀四年以本官參預朝政帝將修復洛陽宮胄上疏諫爲罷役胄所敷內緣政得失咸有可觀奏已卽削藁秘外莫知帝嘗謂左右曰胄於我非肺腑親然事之機切無不聞惟其忠慨所激耳七年卒帝爲舉哀

追封道國公謚曰忠以第舍陋不容祭詔有司爲立廟聘其女爲道王妃房元齡魏徵與胄善每至生平故處輒流涕胄無子以兄子至德爲後今祀郡邑鄉賢祠

戴至德道國公胄子乾封中累遷西臺侍郎同東西臺三品閱十數年父子繼爲宰相世詫其榮遷尚書右僕射時劉仁軌爲左人有所訴率優容之至德乃詰究本末理直者密爲奏終不顯私恩由是當時稱仁軌爲解事僕射嘗更日聽訟有姬詣省

至德已收牒姬乃復取曰初以爲解事僕射今乃非是至德笑還之人服其長者儀鳳四年卒詔百官哭其第贈開府儀同三司并州大都督謚曰恭張蘊古相州人敏書傳曉世務文擅當時與衛人謝偃齊名署幽州總管府記室太宗卽位直中書省上大寶箴其辭挺切賜以束帛除大理丞後河內人李好德有心疾爲妖言蘊古按之奏好德實被疾不當坐御史權萬紀劾奏好德兄爲蘊古本州刺史蘊古阿意欲釋有罪上誅蘊古旣而悔之勅

令後有罪雖令卽決仍三覆奏乃行刑天下病僣從諛蘊古切直卒以是禍極爲寃之今祀郡邑鄉賢祠

馮元常安陽人曾祖子琮北齊右僕射叔祖慈明仁隋爲內史舍人奉詔討李密被擒俄爲崔讓所殺武德初贈吏部尚書謚壯武元常舉明經及第調浚儀尉高宗時累擢監察御史劍南道巡察使興利除害蜀人賴之歷尚書左丞嘗密諫帝中官權重宜少裁抑帝雖置其計而內然之由是爲武后

所惡元常在職識鑒澄遠帝委遇特厚及不豫詔平章百司奏事武后擅朝嵩陽令樊文進瑞石后暴石朝堂示百官元常奏石妄僞不可以示羣臣后怒出爲隴州刺史會天下岳牧集乾陵后不欲元常得會故道徙眉州刺史劍南有光火盜夜掠人晝伏山谷元常喻以恩信約悔過自新賊相率脫甲面縛賊平轉廣州都督安南酋領李嗣仙殺都護劉延祐劫州縣詔元常討之率士卒航海馳檄先示禍福賊黨多降元常誅首惡而還雖有功

猶以拂旨見怒不錄功凡三徙終不得至京師
爲酷吏周興所陷追赴都下獄死元常閨門雍睦
有禮法雖小功喪不御私室神龍中旌其家大署
曰忠臣之門天下高其節凡名族皆願通婚
馮元淑廣州都督元常從弟武后時歷清漳浚儀始
平三縣令右善去惡人稱爲神明與奴僕日一食
馬日一秣所至不挈妻子斥俸餘以給貧窮咸譏
其近名元淑曰吾性也不爲苦中宗降璽書勞勉
付狀史官元淑約潔過于元常然剛直不及也終

祠部郎中

杜咸安陽人中書令正倫從孫擢進士第累遷右臺
監察御史牂牁反咸監軍出討賊保壘自固道荒
漫師不能進咸乃息士示不欲戰陰伺之時旱暑
風熾咸縱火譟而前賊眩怖相失自騰踐死禽其
酋遂平之遷侍御史出爲汾州長史開元中爲河
北按察使坐用法深貶睦州司馬

王邱字仲山安陽人騎馬都尉同駿從子也同駿有
傳見忠烈邱父同駿終大子左庶子邱年十一擢

童子科他童皆專經而邱獨屬文由是知名及
舉制科中第授奉禮郎氣象清古行修潔于詞賦
尤高族人方慶及魏元忠更薦之自偃師主簿擢
監察御史開元初遷考功員外郎考功時多請託
進者濫冒歲數百人邱務覈實材登科纔滿白議
者謂自武后至是數十年采錄精明無邱比遷吏
部侍郎典選復號平允其獎用皆一時茂秀久之
爲黃門侍郎會山東旱饑議以中朝臣爲刺史蓋
重其選也乃以邱與中書侍郎崔沔等並出爲刺

彰德府志

卷之十六 人物上

古

史而邱守懷州尤清嚴爲下畏慕人知吏部選改
尚書左丞韓休秉政薦爲御史大夫改太子賓客
徙禮部尚書致仕邱更履華劇而所守清約未嘗
通饋遺室宅童騎敝陋旣老藥餌不自給帝歎之
以爲有古人節下制給全祿以旌潔吏天寶二載
卒贈荊州大都督謚曰文

源乾曜臨漳人祖師民隋刑部侍郎父直心高宗時
太常伯流死嶺南乾曜第進士神龍中以殿中侍
御史黜陟江東奏謀殺類遷諫議大夫景雲後公

卿百官上巳九日廣射禮乾曜以爲聖王制禮教
民古之擇士先觀射禮以考德行以中祭祀比年
以來射禮不講所司恡費而舊典爲虧是計財而
廢禮也開元初拜黃門侍郎同紫薇黃門平章事
踰月與姚崇俱罷會帝東幸以京兆尹留守京師
治尚寬簡人安之居三年政如始至復爲黃門侍
郎同中書門下三品進位侍中建言大臣子併求
京職俊乂率任外官非平施之道臣三息俱任京
師請出二息補外以示自近始詔可由是公卿子

弟皆出補後授少傅安陽郡公卒贈幽州大都督
乾曜性謹重其始仕已年四十餘歷官皆以清慎
恪敏得名爲相十年與張嘉貞張說等同秉政居
中未嘗廷議可否唯務爲寬平惇大故鮮咎悔云
今祀鄉賢祠

源光裕乾曜族孫居官號清愿撫諸弟友義爲中書
舍人與楊洎劉令植同刪著開元新格歷尚書左
丞會選諸司長官爲刺史光裕任鄭州爲世良吏
卒于官子洧以雍睦保家士友推之天寶中爲給

事中襄州刺史安祿山阻河洛爲江陵大都督長史以禦賊卒贈禮部尚書謚曰懿光裕及洎俱祀

鄉賢祠

舊志源洎禮部尚書不載事實今據唐書增入

盧從愿字子襲六世祖昶仕後魏爲度支尚書自范陽徙相州爲臨漳人父敬一吉陽丞從父備歷右補闕終秘書少監僕自開喜尉爲翰林學士終吏部員外郎從愿擢明經又舉制科高第拜右拾遺遷監察御史爲山南黜陟巡撫使還奏稱旨遷累中書舍人睿宗立拜吏部侍郎吏選自中宗後綱

彰德府志

卷之十六

人物上

七

紀耗蕩從愿精力于官僞牒詭功摘檢無遺銓總六年以平允聞帝嘉之初高宗時吏部號稱職者裴行儉馬載及是從愿與李朝隱爲有名故號前有裴馬後有盧李開元初下遷豫州刺史政嚴簡奏課爲天下第一璽書勞問召爲工部侍郎歷遷刑部尚書後復貶絳州刺史遷太子賓客河北饑詔爲宣撫處置使還乞骸骨授吏部尚書致仕給全祿終其身卒贈益州大都督謚曰文祀鄉賢祠邵說安陽人祖貞一號長白山人以武后革命終身